

洞霄詩集

卷一至卷七



07818

山中距舊都會僅兩舍許前三率多於三少於

出家法然也一時寓公貴客品題蓋稱三泉石無恙三精嚴開從觴詠亦甚率

鳴騶例三敝賦待於三境營繕住持之三

事繁矣清虛恬退寧

章假寵靈以

復傳之覽者庶幾愛屋及鳥之

見於前三命王重三

意云大德六年十月日住山介石沈多福炷香謹敘

余聞畫史云拳石勺水無甚奇觀落

其妙往往意在筆外氣足以勝之也千巖萬壑三江

五湖雄偉浩汗駭目動心其氣已懾安得模寫盡

乎維詩亦然天下名山以罕得佳句最陋之地或以

詩傳是已杭東南山

水之勝莫如天目天目

之勝未如大滌洞天自唐宋迄今題詠不少醇疵相

半病余獨謂不然讀大滌洞天詩當如閱秦

山東海圖障姑取其用意之難勿以責備焉可也孟

君集虛聞而是之因舊刪定重刻之牧故爲序大德

六年十月大滌隱人錢唐鄧牧書

水以龍而靈山以仙而名然地亦有以人而重者故

三外三

三外三

三外三

先民嘗言物之興廢有時至天下勝處終不可掩必有賢人君子爲之題品大滌自漢元封爲投龍所而靈始著東晉後爲仙真所栖而名益彰及唐人作爲歌詠至宋 陳諸公妙語傑出三四百年間大篇短章交作於是五洞九峯勝槩燦爛 鳥之內而地

視昔爲益重矣使不會粹成編久或散失則居是山者將無恧乎謹哀古今名章共十四卷而鈔諸梓大德六年十月日住山介石沈多福炷香謹序

洞霄詩集序

洞霄詩集卷第一

本山道士孟宗寶集虛編

唐

酬劉侍御過草堂 宗元先生吳筠

疇昔隳世網就閒棲遠林豈謂軒車客來過澗壑深
旣懷康濟業仍許隱淪心靈液充甘飲松風代鳴琴
晤言不可極真興何悄悄貽我方來偈自然生玉音
予慙乏瓊玖無以報兼金他日思良會含情時永吟

又

洞霄詩集卷一

弱冠涉儒墨壯懷歸道真棲遲嵩穎閒得與巢由鄰
豺狼亂天紀流蕩江海濱江海非吾土所賴吾同人
築堂依絕巘閉關從隱淪一過囂紛境臥病逾三旬
皇靈垂矜卹正氣澄心神但感適起居何堵蒼蒼旻
策羸返巖壑情抱豁已伸霜候變林薄不能改松筠
彌見攝生理邈然超世塵寫懷簡同志終古無緇磷

天柱隱所荅韋應物

寂寞一長望秋山風景清此中唯草色翻憶見人行
荒徑饒松子深蘿絕鳥聲陽崖全帶日寬嶂偶通耕

拙味難容世貧閒別有情煩君瓊玖贈幽巖百無成
第五將軍入道因寄

交梨火棗味何如聞說茗川已下車瓦榼尙攜京口
酒草堂應寫潁陽書亦知得意須乘鶴未必忘機便
釣魚卻恐武皇還望祀蒲輪徵入問元虛

題馴虎巖

郭生在童穉已得方外心絕迹遺世務棲真入長林
元和感異類猛獸懷德音不憶固無情斯言微且深

書天柱舊院

元英先生方干

洞霄詩集卷一

二

早識吾師頻到此芝童藥犬亦相迎師今一去無消
息花洞石壇空月明

元同先生草堂

羅隱

杳杳洞天路蒼蒼大滌山景輿畱不住麾節去應閒
相府舊知己教門新啓關太平匡濟術流落在人間

又

先生訣行日曾奉數行書意密尋難會情深恨有餘
石橋春暖後勾漏藥成初珍重雲兼鶴從來不定居

又

常時憶討論歷歷事猶存酒向餘杭盡雲從大滌昏
往來無道侶歸去有台恩自此元言絕長應閉洞門

九鎖山

徐凝

人行之字路嗽噦九鎖青山勝九疑祇被白雲生不
斷無端點破碧琉璃

藥圃

夏侯子雲

綠葉紅英徧仙經自討論偶移巖畔菊鋤斷白雲根
大滌洞

威武道士白

元鑒

十味

名山闕靈府隱士此尋真仙去空遺鼓雲扃不見人

洞霄詩集卷一

三

川源世上異日月洞中春欲出虛無境應修有待身

天壇

天壇高百尺只在翠微閒碧蘚遺蹤古青松白日閒
丹成人已化雲去鶴應還時有吹簫客月明來故山

馴虎巖

外身道不遠異類自能馴尙有相親獸應無可棄人
溪邊同飲水林下共棲真寂寂空巖畔千秋迹已陳

石門

靈關非世力造化創元功屈曲穿丹壑崢嶸倚碧空

煙蘿常蔽日松竹自吟風
除卻幽人到塵凡路不通
藥圃

仙翁曾播植瓊圃尙敷榮
春日祥光滿秋風瑞實成
黃精宜益壽萱草足忘情
候採靈芝服還應羽翼生

撫掌泉

直下碧千尋蛟龍此隱身
無心能應物拍手湧如神
夜鏡涵星斗春盃薦藻蘋
終年丹竈下長給武陵人

講堂

高蹤誰可繼一室四無鄰
聽法空雲水成功集鬼神

洞霄詩集卷一

四

煙霞生戶牖泉石障埃塵
越國今何在空悲行路人

書樓

業成人已去陳迹自依然
竈有殘丹火窻遺溢寶篇
懷賢驚異世撫事感流年
早述南華理還應返化仙

瀑布

飛瀑下幽壑令人夢寐清
秋山匹練淨寒谷萬珠明
映日添霞色迎風作雨聲
潺湲聽莫厭時得滌幽情

新池

何人鑿碧沼待我照衰容
洗藥餘香在開函古鏡空

心閒聞細瀝波靜臥喬松欲問仙源路無由見落紅

天柱觀

僧靈一

石室初投宿仙翁喜暫容
花源隔水見洞府過山逢
泉湧堦前地雲生戶外峰
終宵自入定不是要降龍

洞霄詩集卷第一

洞霄詩集卷一

五

洞霄詩集卷第二

宋

洞霄宮

文惠公陳堯佐

一帆高挂出紅塵萬仞長歌入紫雲
莫道遊仙別無侶玉清冠蓋許同羣

谷口停驂上翠微五雲宮殿闢金扉
不知何處朝元會恰見龍鸞隊仗歸

一天封部稼如雲流水清寒出洞門
更愛林間磐石上松花飄落羽人樽

洞霄詩集卷二

蕭蕭紅樹碧峰前爲愛桃花入洞天
偶逐霓旌纔百步卻憂人世已經年

送天柱馮先生

李見素

閒馳風馭恣飄飄因失仙班幾度朝
紫閣舊憐秦樹老赤城新別海山遙
飛鳧又說春經嶽叱橘曾令夜探潮
不是桃源不歸去故人多半在烟霄

又

王欽若

鬱蕭宮殿倚雲霓玉氣珠輝冠紫微
暫到帝城朝斗會卻思巖竇負琴歸
日奔內景乾坤靜泉漱清音祀

菊肥卻到水鄉深
邃住晴嵐掩映簇春暉

洞霄宮

丞相陳堯叟

迴合烟光疊翠屏
東南山水此爲靈
鶯花春學蓬萊境
樓閣夜干牛斗星
古檜森羅燒藥竈
彩雲飄灑聚仙亭
邃天俯近歸期鶴
澗谷匆連駭巨溟
紫陌紅塵無一點
綠毛仙骨有千齡

清獻公趙抃

龍穴藏身穩
泉源撫掌清
紅塵人絕慮
白日世長生
我分諳沖寂
誰能顧利名
夢中休指笑
又作洞霄行

洞霄詩集卷二

文忠公蘇軾

上帝高居愍世頑
故畱瓊館在凡閒
青山九鎖不易到
作者七人相對閒
庭下流泉翠蛟舞
洞中飛鼠白鴉翻
長松怪石宜霜鬢
不用金丹苦駐顏

又

前生我已到杭州
到處長如到舊游
更欲洞霄爲隱吏
一菴閒地且相畱

僕昔爲通守此州
初入壽星寺悵然如舊游也
後爲密州張子予以詩見寄
荅之云爾元祐五

年十月二十九日蘇軾記

相視新河次張秉道韻

君不見元帥府前羅萬戟
濤頭未順千弩射
至今鳳凰山下路
長借一箭開兩翼
我鑿西湖還舊觀
一眼已盡西南碧
又將回奪浮山險
千艘夜下無南北
坐陳三策本人謀
惟畱一諾待我畫
老病思歸眞慙寓
功名如幻終何得
從來自笑畫蛇足
此事何殊食雞肋
憐君嗜好更迂闊
得我新詩喜折屐
江湖粗了我徑歸
餘事後來當潤色
一菴閒臥洞霄宮
井有丹砂

洞霄詩集卷二

三

水長赤

舊聞鄉曲前輩言
東坡先生將卜居於杭
乃買田陽羨以先之
志實在杭而不謂陽羨
可久居也
觀公題壽星寺及寄張秉道二詩
可以見平日之志
山之蒼蒼泉之涓涓
公之精神無一日不在是也
鉉翁侍親東來奠居此邦
垂三十年亦惟曰先生經行之舊
每當撰杖入麓慨然遐想
爲公拂拭舊題徘徊其下
不能去復得二詩墨本以授住山龔君文煥
俾勒石巖竇以詠來

者龔君因請摘詩中語扁賓位曰一菴予不得
而辭也敬跋詩後咸淳六年十一月且是日冬
至眉山家鉉翁書

都官郎中蔡準

大滌洞沈沈天柱峰嶭嶭人世悲落花觀松無易葉
朝夕樵風生雲鶴閒情愜何當採玉芝真蹤從此躡
東坡詩稱作者七人相對閒蓋同游者都官郎
中蔡準管勾少卿吳天常大監樂富國管勾郎
中間人安道管勾郎中俞康直管勾張日華暨

洞霄詩集卷二

四

坡凡七人也坡既首唱餘亦和之兵火之後獨
蔡詩得附坡不泯自唐迄今畱題亡失過半尙
俟好事者家藏遺編能示以補亡豈不幸哉道
士王思明書

宿洞霄宮

和靖先生林逋

大滌山相向華陽路暗通風霜唐碣朽草木漢祠空
劍石苔花碧丹池水氣紅幽人天柱側茅屋灑松風

又

秋山不可畫秋思亦無垠碧澗流紅葉青林點白雲

涼陰一鳥下落日亂蟬分此夜芭蕉雨何人枕上聞
右二詩不見先生集中乃得真蹟於先生七世
孫可山林君洪處使人驚喜如獲至寶嗚呼先
生高才清節照映千古且又生長是邦此詩又
其用意之作向微尋訪得之乃幾至流落甚可
歎也以是知洞天畱題必不能盡得古人之作
明矣此子所以有望於好事者之相發明也道
士王思明書

遊大滌山

無爲子楊傑

洞霄詩集卷二

五

大滌洞天玉爲室眞官典校長生籍青山九鎖闕仙
源老盡碧桃人不識祖龍求仙徒用力駕海欲驅山
下石神人倚住不與行畱得巖前隱仙迹

魯元

馬蹄清曉破藍田一出紅塵骨已仙任鎖九重山下
路終尋五處洞中天泉流碧砌長鳴玉跡隱蒼崖久
蛻蟬人世歸時知變否樵夫曾記爛柯年

毗陵錢景湛

清夜宿瑤宮雲開天柱峯千巖空洞月萬籟古壇松

仙馭聞孤鶴琅輿想六龍
朝元步虛罷祥吹引林中
又

入谷初無路山蹊九折迴
紫庭藏玉室碧落抱瓊臺
溪水人閒見桃花源上開
祇應有仙骨得到洞天來

又

餘杭隱大滌遂道達華陽
物外雲烟古山中日月長
溪流分玉液栢子下仙香
須信風塵表棲真自有方
陳宗古

洞天三十六奇邃此無儔
笙鶴有時下神仙何處遊

洞霄詩集卷二

六

巖花自照水谷鳥不啼
秋盡日松陰底閒聽寒澗流
游洞霄出九鎖山有感
晁端友

行盡青山與碧溪何須辛苦覓天梯
九峯不鎖尋真路自是人心到後迷

游九鎖

張景修

道人鑿井鍊金丹遺迹相傳大滌山
已把九峯藏洞府更畱片石隔凡閒
茶無俗味清吟思藥有靈苗卻
老顏欲問神仙求妙訣詩魔未放客心閒

九鎖山中多隱仙洞門終古掩雲煙
茶生東塢偏迎

日松老西巖不記年翠簪久藏千歲藥碧池深納半
山泉蒼崖縱使秦驅得未信能移一柱天

青山雖九鎖不鎖下山泉石化燒丹竈雲迷隱迹仙
藥苗閒客愛茶味老翁便好洗雙塵眼歸來五洞天

龍溪會 啟

山勢盤紆是幾重溪流亂石水溶溶東西路口分雙
洞蒼翠羣中起一峯石上仙翁畱去跡壁閒羽客有
吟蹤夜分不是紅塵境清夢回時曉殿鐘

涑上司馬 標

洞霄詩集卷二

七

撩花踏水細尋香閒逐孤雲入翠崗九鎖已深看更
好七人相對話應長百年空向塵埃老五月聊乘洞
府涼可笑潛川狂道士未逢玉室與金堂

關 澥

山下寒流咽細泉曉林浮日自生烟九峯密鎖疑無
路五洞潛通別有天羽客依山多得道昔人涉海謾
求仙我來要學棲眞事願借孤雲一榻眠

吳 侗

解驂投宿到蓬壺骨冷清夢寐無可怪春禽曉啼

月又催行李出凡途

洞霄枯槐再生

彭城劉 邠

地有藏丹井人傳不死鄉南柯經指李黑葉勝枯楊
甲錯龍鱗斷花明鼠耳黃離宮緣望幸仙檜儼相望

又

仙人煉形骨枯槁不知年秀色倏還觀陽和仍宛然
今古山川異乾坤雨露偏東陽勿歎息生意會縣縣

吳興成 無玷

我欲觀太華一笑凌險阻滅跡恨未果衰容遽如許

洞霄詩集卷二

八

東南豈不佳泉石闕靈府未訪潛山源且尋天目乳
一峯拔地起離立誰敢侮千巖絕附麗萬壑失媚嫵
有如人中傑羞與絳灌伍翠箬藏丹砂石洞飛白鼠
游人倦登陟異境何由睹振衣臨絕頂雲外聽天語
仙人儻予迎從此遂輕舉

左 譽

青山九鎖溪迴縈擎天一柱何崢嶸上同天目映寥
廓下開大滌通滄溟晉唐人物久寂寞天壇石室蒼
苔生虛皇臺高步虛冷仙科玉音神所聽自憐學道

二十年此心久與青山盟
竭來奉祠此山下愧無妙
句如丹青木公金母未識
且待松根生茯苓

李彙

何人能識洞中天勝地興
從漢武年石作雙門標俗
駕路爲九鎖折溪泉四山
松檜相迴合五洞煙霞暗
接連浮世功名何日已挂
冠來結此山緣

洞霄與道士夜話 香巖居士關 注五

夜闌立語意蕭然似與黃
冠有宿緣不用天壇飛皓
鶴知君家世是神仙

洞霄詩集卷二

九

亭亭山月轉冰輪萬籟無
聲灑氣新玉斧全家猶得
道未應無地著閒人

潘良正

石壇風冷露凝羣玉崢嶸
簇畫屏水赤久傳丹作
井山高時借翠爲庭鶴迎
仙馭迷三島雲入洞天朝
百靈回首武陵歸去路碧
桃零落晚峯青

呈德厚宮主先生 東牟王 伯淮

九鎖松門夜不關蓬萊分
境到塵寰仙風鶴駕來天
表白晝雲旗下世閒古洞
得泉消俗病名山有藥駐

童顏何當常對先生面願借飛鳧日往還

游洞霄山中

陳律

白日黃塵客路迷偶尋幽事入烟屏雲行翠岫鶴爭舞
月落青林人未歸自喜身心無世繫願從巖谷謝朝衣
祥光洞口仙題在讀罷令人悟昨非
古木陰陰擁澗深青山九鎖極幽尋白雲也似知人意
飛落長松伴醉吟

豹隱裴相如

人間三十六洞天各有邃道通神仙茲山九鎖路曲

洞霄詩集卷二

十

折中開五洞棲雲煙東游大滌望天柱西登石室觀
飛泉窮幽討勝足未倦明月忽墮青崖巔山中道士
借一榻夜半猿鶴驚人眠明朝又復出山去白雲回
首空淒然

設醮洞霄因以古詩記其事

武寧章承道

鶴鳴在野聲聞天靈壇夜醮朝羣仙羣仙乘風駕雲
輶一一來自虛皇前玉鑪不散香凝煙火中金縷光
相連仙官謂我帝所憐百拜向帝臣有言願乞臣母

千斯年

贈洞霄道士張安持

姚舜陟

富貴不可繫蕭然脫塵羈神氣自涵養巖壑方棲遲
山中有宰相物外多真師蓬萊定不遠節操請堅持

游大滌 淳熙丙午

九江守王漑

山合羣峯路屈盤溪行九折勢蜿蜒雲根長伴仙人
迹元蓋潛通大滌天玉殿香消人寂寂石壇花落草
芊芊黃冠解識尋幽興爲洗寒鐺煮碧泉

丁先民

洞霄詩集卷二

十一

我欲避塵囂乘風入洞霄循溪山作路駕水石爲橋
臺殿黃金鎖神仙碧玉簫拂衣天柱頂清思欲飄飄

姚舜元

此是名山第一宮仙人何在獨遺踪玲瓏兩洞通元
境突兀一山爲柱峯水泛紅雲出幽谷風吹蒼雪落
長松何時覓得人閒暇徧踏煙嵐翠萬重

洞霄詩集卷第二

洞霄詩集卷第三

宋

游洞霄

天師虛靖先生張繼先

洞霄深處日棲真
仙子親曾此致身
鳳闕有人來獻禮
溪聲山色愈增新

宰餘杭游洞霄

浚儀趙公頌

野服蕭蕭款翠微
虛亭高敞射晴暉
仙歸洞府雲烟冷
春入名山笋蕨肥
緩引壺觴聊自適
暫捐朱墨便忘歸
會須結屋山中住
始悟人閒萬事非

洞霄詩集卷三

慶元四年五月再游

舊時曾此覓仙緣
一別于今四十年
白髮重來嗟老矣
青山九鎖故依然
肩輿直入松閒路
洗耳還聽澗底泉
幽興未闌吟未就
半峯斜日下平川

紹興己巳游洞霄

代國楊傑

青山九鎖隔凡緣
福地潛通小有天
古洞落花春寂寂
空山亂石水涓涓
金丹翠箬藏千歲
芝草琅玕定幾年
惆悵何時謝塵事
山中長作地行仙

游九鎖

龍大淵

峯巒九鎖路縈盤翠色沾衣作晚寒日暮神仙歸洞
府雨餘星斗下天壇人生何用千鍾貴老去須求一
室安會得谷神元不死世閒何事可相干

蓋經

暇日尋幽入洞霄攀蘿捫石自忘勞地環九鎖仙都
闕山倚一峯天柱高夜靜仙人吹鳳笛月明帝子下
雲旄佩環寂寂中庭曉時有胎禽唳九臯

西秦張鑑

九鎖非凡境烟雲路不分山寒長帶雨洞古不收雲

洞霄詩集卷三

二

夜宿聽林鶴晨炊摘野芹黃冠皆好事添炷石爐熏

又

涼蟬亂叫朝暮雨獨鶴不迷前後山芎葉煮湯勝茗
椀栗花然火照松關

再游

曉日晴嵐路未分昔年鐘磬隔林聞龍歸古洞千巖
兩人臥空山半榻雲異草靈苗交晚翠野蘭芳芷雜
秋芬何時得似山中鶴脫卻雞羣友鹿羣
天風吹我落人閒暫入青山又促還待得霜林收柿

栗卻來重扣白雲關

寄洞霄道士王竹庵

陳畱張堯臣

一笑相逢已隔秋
人間多事苦相畱
亂雲有路通仙境
清夢何因訪昔游
白日無情傷老大
青山此地可藏脩
與君宿有誅茅約
爲卜來賢一室幽

大滌洞

徐安國

大滌山藏碧玉函
神龍護穴虎馴巖
華陽遂道通仙處
始見元同骨不凡

入洞霄九鎖路閒

存庵黃敏德

洞霄詩集卷三

三

綠蘿垂地白日暗
落葉滿徑行人稀
青童走入報迎客
驚能先生一局碁

舞翠亭觀泉

今翠蛟亭
舊名舞翠

坐來毛骨覺蕭然
百尺飛流挂碧天
盃酒未終身世換
盡移三峽到樽前

漱石軒一名漱玉

竹巖錢厚

危石參差上霄漢
中涵萬壑冰玉清
與誰流出洗塵滓
遺我一林風雨聲

石竇鳴泉自招隱
故邀風月到林扃
我今欲去尙回

首多少人來不肖聽

游洞霄

寓軒徐存

清真羽士舊仙官日奉琳宮紫翠間
五洞煙霞龍窟宅一壺天地道家山
滌泉盤轉冰涵沼隱石屏開玉
敞關可笑濯纓來覽勝輸他高臥白雲閒

韓 挺

雲去山空鶴自來天壇石室已蒼苔
洞前石鼓扣卽應巖上仙人挽不回
明月照林山霧合東風吹澗野
蘭開高眠百尺長松下閒看飛花落酒杯

洞霄詩集卷三

四

游棲真洞

韓 松

黃冠具竹輿邀我游棲真山家雜水樹野徑橫荆榛
長松臥蒼蛟亂石錯紫鱗委曲至洞府積翠開雙門
結頂寶蓋高下可容百人神仙獨何之碁局今猶存
翠子拂不落衣袖生清芬山閒局未終浮世三千春
安得從之游一笑凌層雲

淳熙壬寅沿檄游洞天 山陰馮仲柔

洞府深沈別有天翬飛樓閣聳晴煙
詩傳玉局驚凡目丹就金爐記昔年
翠湧千波橫絕壁風吹萬籟入

飛泉他時待我功成後卜室青山絕世緣

游九鎖

朱杰

九天虎豹不守關瑤京夜半墮塵寰化爲青山故曲
折中有玉殿開仙班白龍天來三百丈飛沫直下琉
璃灣神仙可望不可接桃花伴我歸人間

同廖繼道游洞霄 東湖寓客陳 伯山

勝日事幽尋乘興從所適西風飄杖屨偶作洞霄客
穿雲渡澗崗捫蘿轉空碧七人今何在九鎖峯巒密
黃冠喜我輩傾懷論宿昔汲泉煮山苗異氣穿几席

洞霄詩集卷三

五

區區名利人到此塵機息

題桂殿秋辭

裕齋李 仁本

飛翠蓋走籃輿亂山千疊爲先驅洞天迎目深且窈
滿耳天風吹步虛

嶮獸石錯虬松黛嵐終日下天風杖藜攜我恣遙望
縹緲霓裳飛碧空

金帶重紫袍寬到頭不似羽衣閒君王若許供香火
神武門前早挂冠

與錢孝先游洞霄

孫 元卿

芒鞋踏明月入谷聞泉聲了知非人閒冷然毛骨清
篝燈入幽洞巖穴何陰陰仙凡隔幾塵無由問霓旌
躋攀上高崖勢與龍虎爭憑欄試撫掌碧螭波紋生
塵緣苦未斷世路猶遐征題詩來賢巖晚歲當再行

又

元冥相我作山行捲卻重陰放曉晴但見峯巒互局
鎖不知宮闕隱崢嶸雲根洞穴篝燈入井底波瀾撫
掌生喚客入山還送客淙琤猶記石泉聲

題洞霄

浚儀趙汝湜

洞霄詩集卷三

六

巘岫列千峯一柱屹翹楚迴復蘊奇秀有此雲霞所
巖封五里霧松撼半天雨深知境未窮正欠驚人語

自和

洞府日月閒風景自清楚九關啓天鑰容我朝帝所
清緣宿仙館夢碎石泉雨明朝得羊珠試向張華語

暑中游大滌

雪川鄧朴

人間之暑如炊蒸拂曉故作山中行山深石古雲霧
集青松十里聞風聲上巖高挂水晶簾下巖碎擊琉
璃盤天風吹作六月雨使我肺腑生清寒山花辭木

蒼苔破幅巾羽士花閒坐謂予多賦山中吟憑誰寫
作詩中畫

游大滌

錦邑俞 茂實

未了煙霞痼來從大滌游一區藏世界九鎖闕林丘
寒翠霏霏起春波慢慢流人間空岱嶽海上謾瀛洲
隱迹悲猿鶴祥光射斗牛有人相領略何地不夷猶
好景行行得遺蹤細細搜山根雲欲滃石罅鳳仍雷
琴瑟聽泉奏珠璣看瀑流山靈應有識鄙句合包羞
逸興那能已奇觀謾此酬會須尋石室相繼築菟裘

洞霄詩集卷三

七

橘山李 廷忠

清溪路入武陵源雞犬人家隔近村拔地一峯危作
柱棲雲五洞窄開門空庭有客掃松影古徑無人踏
蘚痕我欲白雲巖畔宿月明一夜聽啼猿

復齋趙 善訥

黃簾有影金燈暗碧殿無人玉磬清我亦三生羽衣
客夢魂久已到瑤京

雲葩裏石侵衣潤嵐翠籠山入眼明何處如今有仙
隱願尋藥圃斲元英

北山程 俱

太湖隱吏疎且頑手板拄頰看西山筆牀茶竈向何
許往來洞庭林屋間側聞餘杭隱大滌故整煙艇尋
茗川相從喜得二妙士金庭老客南昌仙早行不憚
踏曉月逸思自覺奔春泉崗迴澗轉若無路但見老
翠漫秋煙中峯一柱萬山表勢與太華爭擎天神仙
古洞絕壁下蓬萊別館青雲閒天壇無人石室冷借
問白鶴何時還人生但爲形體累會當去之如蛻蟬
金庭客南昌仙他時待我乘八景舉手少別三千年

洞霄詩集卷三

八

游大滌賦滿庭芳

雲閒陳 若晦

五洞深沈九峯迴抱望中雲漢相侵暮春天氣宮殿
翠烟深一片山光澹淨溪月上碧水浮金瓊樓杪仙
人度曲空外響虛音 龍香時暗引青鸞白鶴飛下
秋陰露華冷瓊珠點綴瑤林猶記華胥夢斷從別後
幾許追尋人閒世逝川東注紅日又西沈

洞霄宮

京口許 開

珠宮梁柱太平年福地從知接洞天曲檻一峯飛怪
石幽亭三峽迸流泉驪龍睡重時方早白鶴歸來客

欲仙殿上紅雲西日映此身如在玉皇前

寄石室陸永仲水調歌 錢塘關 注

鳳舞龍蟠處玉室與金堂平生想望眞境依約在何方誰信許君丹竈便與吳君遺劍只在洞天倘若要安心地須是遠名場 幾年來開林麓建山房安眠飽飯清坐無事可思量洗盡人閒憂患看盡仙家風月和氣滿清揚一笑塵埃外雲水遠相忘

徐高士游洞霄水調歌 樵李張 頌

雨後煙景綠春水漲桃花繫舟溪上筍輿十里蓬平沙路轉峯回勝處無數青熒玉樹縹緲羽人家樓觀倚空碧水竹湛清華 縱幽尋移蠟屐上蒼霞古仙何在空餘藥竈委巖窪他日倘然歸老乞取一菴雲臥隨分了生涯底用更辛苦九轉鍊黃芽

洞霄山隱齋 餘杭間 九成

餘杭之西天柱峯下有石洞蟠蒼龍齋居無塵山四合仙人宴坐空翠中夜捫北斗罡氣接晨吸東日精光通醉凌高風駕白鶴笑視黃庭驅玉童人閒自有赤松子方外或友洪崖公丹泉吹陰曉霧碧野果變

色秋山紅獻酬且盡琉璃鍾談笑便是蓬萊宮宵如
金粟衰病翁散花丈室談虛空

洞霄卽事

東平鞏 豐

積蘚青踰一寸痕山靈守護幾千春長藤橫繫巖邊
木何日重來挂葛巾

翠微亭

行迹年來到處希獨於巖壑有深期鶯溪道士能相
屬請和空山水落詩

就亭舉杯落葉滿地知宮王君請和蘇州落葉滿空山之句

翠蛟亭泉出天柱之趾將至洞霄門數折下

洞霄詩集卷三

十

墜方春盛時如蛟飲澗亭當木石最奇處舊
取東坡詩語名以舞翠客謂不若直名翠蛟
爲不費荅知宮事王君思明欣然改之爲賦

一首

木石相因依妙處在得水遇其相合時澗蹙水多止
巍巍天柱峯雙洞空無底怪石抱山迴灌木參天起
青蛟走玉骨元脈貫石髓屈折暫得伸掀舞如掉尾
亭成自何年不陋亦不侈秋深泉少縮亭影照清泚
忽遇水飛流亭在銀濤裏愁蛟捲亭去相距不盈咫

一落墜兩硤力竭勢方已終疑入江湖赴海日千里
昨夜山雨豪梧竹盡風靡轟雷與石鬪蛟怒幾欲死
吾亭方宴然清曉見窻几因攜一樽來與客相料理
賸擬畫將歸題詩卻畱此

簿餘杭與長官游洞霄

周約

九鎖扃仙窟棲眞隔翠林地靈泉石祕巖古薜蘿侵
屐踐東山勝樽傾北海深道人知客意喚起玉龍吟

游洞霄

鳳凰巖隱駱

安基

捫蘿探得雲根路直入雲山最深處主人心似青山
閒雲亦無心自來去

洞霄詩集卷三

十一

廬山鄒杞

天柱古名山形勢友列嶽神人巢其巔咳唾半天落
白晝見雲旗清夜聞笙鶴花源或流紅仙禽猶搗藥
長歌不可見清風灑寥廓

題翠蛟

古汴趙

汝詣

百丈寒蛟下翠庭幽人相對覺風生闌干小倚飛觴
處一曲松聲亂雨聲

洞霄詩集卷第三

洞霄詩集卷第四

洞霄詩集卷四

重游洞霄

別去琳宮三十年重來塵跡愧林泉三生石冷魂初醒
九鎖山深骨欲仙閒拂舊題眞少作醉論往事有

華巔何時兩鶴歸田里物是人非更惘然

游九鎖

靖逸葉 紹翁

倦身祇欲臥林丘羽客知心解款畱巖瀑蕭蕭中夜
雨松風颯颯四時秋空亭虎嘯人何在古洞龍歸霧
未收九鎖青山元不鎖碧桃開後約重游

鍾穎

大滌通華陽仙家碧雲上飛泉舞蒼蛟絕壁浮翠浪
泉石有聲詩雲煙無盡藏落日青山多臨風一長望

嘉定二年秋重游洞霄 廬陵胡 榘

洞霄詩集卷四

二

重尋九鎖躡丹梯回首空驚歲月移風虎守闔寧易
到冰龍候路卻先馳松筠老去俱全節猿鶴迎來盡
故知更拂棲真洞閒石弟兄同記勝游時

會稽胡 衍

餘杭泉石欠幽探淨拂衣塵入翠嵐九鎖山門雲上
下一峯天柱殿西南元封舊事無人記德壽仙游有
客談痛飲丹泉臥元石松風滿耳夢初酣

宿山隱齋

趙 汝旗

平生悅山隱一室容我借弄泉掬明月坐石延清話

既調松下琴復得松風和仙人搗藥禽獨叫青山夜
游洞霄 天台薛 泳

羣山皆玉立中有一峯危天近秋雲薄松深夜月遲
洞因尋藥入席爲聽泉移此趣無人會臨風酒一卮
贈竹庵王先生 唯齋何 昞

巾盂宵復聽齋鐘隱處何妨作退翁一榻但畱詩軸
伴萬緣都付酒杯空松顛舞月歸巢鶴竹下敲門採
藥童風定雲眠人不到倚闌凝目看飛鴻

題洞霄

古鄆周 文璞

洞霄詩集卷四

三

久知靈境無緣到今被春風引得來上帝殿頭聞雨
過仙人石面欠花開便燒沈水禮三拜快引流霞釀
一杯落日斷霞催去繫掉巾只等白鴉回

又

岸幘坐亭臯誰云命不遭通幽文似咒招隱句如騷
日下桃花熱風低鶴背高天瓢翻不盡卻去索村醪

又

客中時序又怱怱孤立初春小雨中弄水攀松去年
事令人憶殺洞霄宮

又

天柱青峩峩石笋危不墮爛爛銀雲收誰子開玉鎖
崩騰放閭水煜燼入洞火神境偕靈休誰敢搜細瑣
十年窘離憂一得在無我致有老鑄凝擁褐迎道左
願言護銀鐺木葉自纏裹玉笈付九虎游宴升業碓
渠云子適歸刻苦念坎軻反樸招太和可免運劫禍
慟哭出青松殘齡其或可

題翠蛟

容谷散人羅相

坡仙已跨老鯨去天矯一蛟畱翠岑頭角要歸滄海

洞霄詩集卷四

四

闊髻鱗聊舞小亭陰停杯欲共馮夷語倚杖不知嵐
氣深休用旌陽持劍起憐渠終夜抱珠吟

游九鎖

天台戴復古

高枕清流臥白雲靈龜骨相鶴精神凡爲九鎖山中
客多是羣仙會裏人三沐三熏來訪道一觴一詠共
談真祥光亭畔蒼松下更借清風洗俗塵

天柱峯頭一振衣雲開巖路雨晴時登臨欲訪神仙
事紀實都無漢晉碑拍手數聲龍井躍篝燈一覽洞
天奇林閒安得棲身處欲鍊金丹餌玉芝

辛巳秋與趙履謙黃晦叔游洞霄

劍山劉子澄

青山隔斷紅塵路中有仙人藏洞府老蛟百丈從天
來萬壑千巖起風雨眞墟容我輒躋攀心曠纔知白
日閒仙人一去忽已遠坐對松梢雲往還

甲戌廷對後到洞霄丙戌假守新安又得寄

逕成詩紀游

四明汪立中

憶昔尋幽興未終重來洞府訪仙翁十年塵世身將
隱千里華陽路暗通山水只如前日好松杉似與老
人同明朝又入黃塵去回首青山一夢中

洞霄詩集卷四

五

游九鎖

大梁趙崇纘

九峯元不鎖俗駕自來稀水石藏仙窟煙霞護羽衣
夜猿窺月叫曉鶴出松飛擬結巢由伴眠雲隱翠微

金華楊邁

尋幽向何處大滌山水好九峯拔奇秀下有松石老
白雲和紅葉滿徑無人掃振衣長風生一笑登木杪

代國楊伯岳

曉山雲樹碧生秋乘興閒爲洞府游片石卻將仙路

隔負人平昔慕浮丘

亭前絕壁下飛瀑天風夜半吹韶咸疑是銀河天上
水壯士挽落千丈巖

疎寮老人高 似孫

洞門金畫翠琅玕杏不多花月溜寒借得御書經自
讀松風淨洗石碁盤

雲氣常常在上峯松生仙骨盡成龍不通名姓誰談
道卻得雲邊兩度逢

呈孫元素

東萊呂 祖异

洞霄詩集卷四

六

匹馬先來破曉雲千章喬木翠續紛山圍道院窻窻
見泉出丹池處處分酒好便能澆魄磊飯香何必御
羶葷明朝又踏紅塵去多羨煙霞總屬君

潛川洪 咨夔

響泉一派落天風人在浮雲柳絮中亭午柴關猶未
啓碧玲瓏底拒霜紅

落葉堆中折腳鐺白雲煮盡又還生洞門黃鶴婆娑
舞畱得松風待月明

翠蛟亭

壯杉耄檜護嵌空飛墮蜿蜒白玉虹莫道隔凡元有
柱胡麻流出石砭東

晴雷碾破白雲窩無數林華袞下坡好把韉轡翻轉
看崑崙頂上卷黃河

游大滌

見山趙與杼

九鎖闕仙關長歌入翠巒青松飛羽蓋脩竹動琅玕
雪霽千巖瘦雲深六洞寒客來塵慮息一笑倚闌干

玉眞曹誠明

天風吹我來洞天青山九折溪迴環金堂玉室在何

洞霄詩集卷四

七

處天壇石洞餘千年鳳鳴朝陽凡鳥息猿啼夜月空
林寒萬仞雲開湧翠壁六月秋生飛玉泉振衣長歌
登絕頂俯視浮世織塵閒吟成一笑欲飛去千巖萬
壑生雲煙

鄱陽程鏜

松風吹客衣縹緲凌絕境古洞不見日篝燈入幽暝
蒼苔暈石花奔泉弄雲影仙游願初遂秋山魂未省
我生有宿約結屋天柱頂

嘉熙丁酉七月上澣游洞天題

住山龔冲妙良泓軒 鶴林吳 泳

舊與清泉白石盟身閒方作洞霄行
青山延客元無鎖碧澗流花似有情
古洞欲隨仙隱去高崗終待鳳
來鳴道人喚我松閒飲坐拂寒雲月未生

冲妙大師龔 大明和

知與坡仙有宿盟來賢巖畔舊經行
節同老柏歲寒操心契焦桐太古聲
雲出九峯龍起蟄風清五夜鶴
傳鳴須公一柱擎天力妙幹洪鈞大發生

游洞霄 仙居陳 仁玉

洞霄詩集卷四

八

天柱峯頭疊紫煙遙看萬玉聳相連
雲深九鎖疑無路翠谿一區俄有天
爽氣襲人森石樹喧雷飛雨響
山泉倏然不類人閒世今日自驚平地仙

攜客山行咏陶嘉月自雙徑來洞霄丹巖翠
壑林立環擁神剎鬼刻不可名狀殮雲漱月
偶得八吟畱之山中以紀幽踐嘉熙二年三

月穀雨 青蓮山人吳 昌裔

山界神仙住九華故畱靈鎖護煙霞
雲根欲斷溪回處流出山中幾片花

九鎖山

鑿破千年混沌心石楠當戶洞悒悒詩臞猶怯春寒
在捫石梯雲不敢深

棲真洞

拄天屹嶭斷鼇足臥草蒙茸伏虎痕想見山中明月
夜有人長嘯抱崑崙

天柱山

山出清寒一道泉暗聲落澗玉錚然轆轤引上泥丸
頂便是人間赤腳仙

清音亭

杖挂松花酒一瓢手按柏子雜香燒山空露冷吟招
隱掉首諸賢不受招

來賢巖

蒼松翠石束寒流卷下空山白玉虬亂壑無人煙霧

洞霄詩集卷四

九

集一庭飛雨暮生秋

翠蛟亭

誰鑿巖扉石竇開懸崖飛瀑轉風雷須臾白浪從天
下野客不知何處來

飛玉亭

竹几蒲團石室中細書抱朴校參同寄聲碧眼朱高
士何必攜琴下閩風

雪崖朱先生石室隱居

嘉定三年五月二日被旨禱雨洞霄

臨邛高 定子

兩閒灑落無塵著萬象森羅觸處逢此夜要令兒輩
覺擎天一柱愛中峯

游大滌

松窻張 濡

危樓拱翠出層空
畫棟朱欄縹緲中
客散月明風露下
一奩天棘伴絲桐

雪窻張 樞

一曲朱欄百尺餘
仙人自是愛樓居
松風不動千山靜
明月滿天壇人步虛

游大滌賦洞仙歌

斗埜張 韞

花泥絮浪滯春懷
如酒書卷爐熏清
晝喚玉京穩載
攜手松喬飛光裏
笑傲白雲林岫
仙人猶狡獪

洞霄詩集卷四

十

灑雪吹冰聲落星河
翠蛟走問簷下畱
丹別已千年華表
鶴亦歸來否有洞
口桃花識劉郎
共一笑相迎朱顏如舊

翠蛟亭呈孫元素鍊師

道人鎖蛟天柱半
客來縱蛟作奇觀
飛風動地輟晴雷
雄拏怒攫石欲開
明珠萬斛撒成雨
忽趁流雲入銀浦
仙田種玉畊春煙
潤流九里無凶年
問蛟飛去何時還
道人仰笑意自閒
月中攜手聽潺湲

剡剡星虹白日寒
山香一曲落雲端
乘虬道士排空

去怒雨聲搖碧玉巒

游九鎖

霄川姚顯

九鎖碧陰涼行人古道長
四山松雨過一路稻雲香
怪瀑驚危磴殘蟬亂夕陽
長安金屋好夢不到山房

古崩上 官辰

山蟠鼇足雲千丈溪折羊腸路
九迴神石冑穿秦斧
鑿古壇曾是漢樓臺
秋山風雨銀河下
月夜笙簫玉佩來
山自青青泉自潔
百年蹤跡幾蒼苔

埜逸沈 中行

洞霄詩集卷四

十一

青山倚天分九峯
或踞虎豹蟠蛟龍
奔霆白晝鞭玉虹
鐵花冰激青濛濛
中有浩劫元皇宮
彷彿崑閬雙衡嵩
洞門誰掣煙霞封
玉鼠石燕巢嵌空
列炬仰見仙人踪
枰棋布子局未終
冥懷欲喚洪崖翁
共翳紫鳳驂
飛鴻一笑弱水三萬里
他年相見方壺中

錦山劉 應子

大滌仙山不易尋
仙人樓閣倚林垌
地環九鎖溪爲路
殿合諸峯石作屏
落日煙嵐呈紫翠
清秋木石寫丹青
我生素負元龍氣
東望滄溟醉眼醒

又

憶昔夢中游高懷悵冥邈篋輿入山來精爽欲飛躍
九鎖相迴環羣峯俱卓犖地勝幻蓬萊天低眇嵩嶽
古道轟危亭斷澗橫略約流泉翠蛟舞怪石紫鱗錯
坡仙不可見墨香儼猶昨迤邐跨五洞解衣小盤礴
煙蘿蔓千樹風松鼓萬壑元放時往來仙家有眞樂
石鼓叩卽鳴乳泉甘比酪對此黃花秋風景良不惡
更欲窮絕頂不憚疲兩腳謝屐隨縱橫嘉帽任落魄
回首日已晡空山唳猿鶴羽衣坐元石呼茗待佳客

洞霄詩集卷四

七

拂弦寫秋聲洗琰營晚酌詩成走風雨鬼神亦驚愕
何時了功名來尋赤松約

餘杭省齋俞煜

萬山低伏天柱起鬱鬱琳宮鎖幽邃泉聲瀉入松風
寒山光滴破雲根翠仙人不歸白日暮簷下還丹已
千歲天高遼鶴不可呼夢魂夜落青山外

洞霄詩集卷第四

洞霄詩集卷第五

宋

寶祐乙卯十月久晴眉山楊棟弟履之偕史
靖伯杜午成都鄧寅攜小兒淦泛清苕宿洞
霄明日游大滌棲眞洞歸舟帶月泊市橋燈
火未闌也東陽取陰眞君丹訣名貝都監新

樓

眉山楊棟

攜手清茗去高楓丹葉森漁樵九鎖曲風雨一窻深
索酒貪山月添衣怯洞陰鳳歸天柱曉樓閣有鳴琴

洞霄詩集卷五

又

山峩來夾案泉急自穿渠密記東陽訣高題上帝居
牙兒藏寶篋山子走籃輿曲折璣衡轉溪坳可結廬
丁巳再游題蓬山堂泉石

瓊流鑿空滉沌一隙紫霄柱下清泉水石

咸淳戊辰餘月下澣去郡歸里因訪菊巖龔
先生用平舟楊公韻題蓬山堂泉石

天目洪燾

人生囂塵中幾若駒過隙安得坐此山枕流復漱石

游洞霄登蓬山隱居

臨邛魏

克愚

仙境孰爲眞蓬山隱獨清樹林陰上下樓觀影崢嶸
雨送流泉響禽供搗藥聲何須天柱頂身已在空明
寶祐丙辰余奉漕檄經從得識九鎖山面目
咸淳乙丑歲除前五日以帥檄遵奉朝旨四
縣疏決回塗重游時積雪初霽瓊瑤境界恍
非人世得七言一章錄呈菊巖龔先生

閩人仙麓王

洵

九鎖山寒玉作圍紅塵世事可曾知峯迴似覺前無
路身到因思舊有詩雲掩巖屏龍螯冷月明華表鶴
歸遲梅花笑我真迂闊踏雪重游臘盡時

清溪周高士芝房

清溪賢好客天付此芝房花竹四時景軒窗幾處堂
雲閒侵袂濕泉冷帶丹香曲水亭尤好何時共禊觴
呈貝懶雲先生

紫陽逸民程

浚

一片閒心祇在山故將疎懶傲塵寰白雲猶有往來
意師獨蕭然天壤間

游洞霄

畊巖徐

珏

凡世纖塵不敢侵瑤關自鎖白雲深地靈佳木有仙
意山靜啼禽多好音五洞暗通蓬島路九峯密拱石
壇陰步虛聲了幽人暇一穉爐香三弄琴

乙丑良月游大滌洞書于蓬山堂

茗人草窻周 密

太虛灑氣浮空濛烟霞九鎖蓬萊宮崩騰雲木競奇
險澗芳埜實垂青紅何年斷鰲立天柱古洞陰森白
鴉舞玉書寶劍不可尋老翠封崖滴元乳光芒靈氣
千斗牛遺丹箬底誰能求黃精紫杞徧巖谷仙禽夜
搗聲幽幽懶蛟千年睡未足癡涎吼雷噴飛瀑陰風
黑穴吹海腥石虎當關橫地軸是非萬古一笑嘒神
仙不死今安在

洞霄詩集卷五

三

龔菊巖房清境堂卽事 菊坡俞 昕

物外神仙窟巾車爲小停一泓寒玉鏡四面翠微屏
清境詩無盡紅塵眼頓醒我來謀此住把酒問山靈

九鎖步虛詞

并引

南渠陳 洵直

大滌洞天爲江左形勢之最九鎖乃天下所無迴
旋百峯隱真境者九望芝軒瞻象緯未易進越如

君門九重不可逕也跡今攷古嘗謂天門巍峩巖
圍九關虎豹守之啄害下人有天關鎖雲無定攝
藏於巖谷出有入無神力以行有藏雲鎖度弱水
登瑤池可羽駕者鸞也德者致之道者御之有飛
鸞鎖騰青雲凌太虛飛舉之道也蛻形換骨始獲
身輕有凌雲鎖澄鍊五欲化氣爲神此眞彼眞洞
然無碍有通眞鎖天用惟龍景雲從之奮螯則吟
惟神之攝有龍吟鎖道成德備元微洞徹變化無
方眞人下接有洞微鎖紫旄絳節一唱萬和樂音
來下以迓有功有雲璈鎖九關無禁三清垂光彤
芝玉墀親聆至道有朝元鎖若夫奇峯秀嶺苟出
類者必標名以永傳九鎖環環人見山而已戊午
仲春徜徉巖麓恍然若登天次第之階俯境冥會
因入一鎖卽記一名併述步虛詞九章離塵達清
未免覬霄房之見接也

第一天關鎖

仙人十二樓縵縵垂重環志士憫幽阻鬱觀何繇攀
樓眞歷幾塵洞戶方孱顏一鎖度靈鑰九虎開天關

第二藏雲鎖

圓象默交感序氣翔氛氲颺歛偃華蓋貫絡百寶熏
八景非眞遙款扣虛皇君二鎖度靈鑰松風卷藏雲

第三飛鸞鎖

琅軒列朱房風露峩高寒森羅九宮道隱約八卦壇
春酣酌金漿徹視揮外丹三鎖度靈鑰悠悠控飛鸞

第四凌虛鎖

太虛本非有團塊何迂疎一旬更五日風乎駛軒如
神馭兩腋輕絳霞理襟裾四鎖度靈鑰八表當凌虛

洞霄詩集卷五

五

第五通眞鎖

神氣化虛晃太上尊玉宸鍊此沈下質感彼元上春
靈液反流用偃息崑閬津五鎖度靈鑰滯散潛通眞

第六龍吟鎖

粵嶂洞陰宵嶠嶢鬱千尋中有不測淵蜿蜒伏蕭森
作霈待時舉妙化通天心六鎖度靈鑰綜御歸龍吟

第七洞微鎖

嘉遁仰靈範世道何韉鞢長生昔對面皇皇昧元機
沆瀣不足吞正一知所歸七鎖度靈鑰進力行洞微

第八雲璈鎖

犖确玉峯矗眞朋，負遨遊洗耳發清響。躡蹻躡鸞高
飛，泉落松杪節奏風蕭騷。八鎖度靈鑰，鏗鏗引雲璈。

第九朝元鎖

矯首太霞眞，飛枕紫微垣。委蛻速霞舉，脫灑人命門。
羽葆交芝雲，琳琅颺神旛。九鎖度靈鑰，五氣身朝元。

敬和九鎖步虛詞

并引

澹軒趙

汝湜

竊聞天秉陽德而九爲老陽，故仙道宗陽而取數
皆九。內景合氣以九爲節，金丹大還九轉爲寶。其

洞霄詩集卷五

六

在於人爰有九宮上應列宿，是爲九曜園則九重
豈非陽數之極而仙眞所居者乎？天柱洞天外環
九鎖，神造靈設，仰模璇霄此固玉帝眞游列仙窟
宅之地也。山秀水清，鈎緜奇絕，飛舉之士疇昔接
踵而我曾外祖寢虛先生實以童年傳道洞微隱
跡吳山修煉內丹心樂此地，時與高人幽士徜徉
往來，浴冷泉而白雲生寢石牀，而丹氣炳靈異之
跡不可具述。故舅氏南渠居士猶踵清風守一高
蹈暇日，因卽九鎖聲之步虛，用標靈境以告來者。

汝湜辛酉仲秋因獲陪侍杖屨撫松拂石卽景長
吟輒爾和韻用汚清唱之末寄之名山庶用識於
他日也

天關鎖

雲壙高嵒峩七麤銜銅鑲有象非有質眞儔得躋攀
九天著通籍保我玉練顏英英青旄節悠悠款靈關

藏雲鎖

靈根鬱三素一氣同氤氲冉冉霄上游永離囂塵熏
空體含五華霞貫泥丸君鑲剛爾何神攝身混祥雲

洞霄詩集卷五

七

凌虛鎖

案元刻誤飛鸞鎖

太空本無形天衢迴蕭疎火煉身彌輕意行神已如
飄飄跨倒景琴麗舞雲裾無礙故逍遙灑然翔清虛

通眞鎖

五嶽皆積骨千霜永難晨胡爲甘短景不悟丹臺春
至道豈在煩錄精練胎津六六琴心文一悟通元眞

龍吟鎖

矯首東方宮變化何由尋神用妙難擬臆電赫森森
雨施不爲功雲從本無心人間謾懷想戛鉢希雷吟

洞微鎖

大道不容言有滯還有轍返本舍元造竟達無上機
希夷絕視聽得一衆甫歸向來寢虛師至訣殊精微
雲璈鎖

悠悠劫爲朝萬民恣遊遨三山眇如塊舉步身彌高
絳宮近咫尺天風度騷騷至音非笙歌冷然八琅璈

朝元鎖

煌煌玉京闕瑞靄紛天垣巖扈森虎兵金朱煥靈門
星弁集萬真龍旂開華幡齋心潔形神稽首朝混元

洞霄詩集卷五

八

飛鸞鎖

案元刻脫此篇今據明高以謨本補錄當次凌虛鎖一篇之後

漸入雲霄徑清氣逼人寒欲學長生訣先過此重壇
無屋堪跼足有地可藏丹遙瞻深鎖處時見遶飛鸞

洞霄詩集卷第五

洞霄詩集卷第六

宋高道

洞霄宮

無爲軍道士皇甫介

大滌雲深日月遲羽人曾作帝王師鼎中絳雪成千
日巖下幽花占四時玉仗已乘鸞鶴去青山難使鬼
神移人閒萬事惟閒好山頂誅茅待幾時

七閩羽客王介

飄飄遼鶴去難尋野客重來歎復吟許邁林中丹竈
冷郭文山上白雲深南陵事跡都非昔北嶺歸期直
到今珍重玉京無限意待將功節養高岑

洞霄詩集卷六

石室小隱陸維之

天柱峯前古洞霄我生來此避塵囂半牀明月琴三
弄四座青山酒一瓢當戶老松如對立隔花啼鳥似
相招斷金一去無消息唯有寒梅共寂寥

寄對閒堂

莫訝仙翁愛獨醒襟懷和氣自氤氳每緣夜話畱佳
客欲假春醪擾近鄰火棗如瓜元有種冰壺貯月本
無塵相從落落拓杯中友半是逍遙物外人

自紫極觀過天柱 寢虛先生陳 良係
道在吾身宇宙寬 朝踰雲岫暮雲關 丹靈不服春風
轉 欲度世人那得閒

雪中浴冷泉示諸友

風鼓空林雪蔽山 身如鐵石不知寒 塵埃豈是相隨
物 付與溪流出世閒

題清音亭 凝神齋高士徐 仲淵

新池碧潑玉回環 一水來從天柱山 試作流觴擬修
禊 蘭亭風景坐追還

洞霄詩集卷六

二

人間絲竹競哇淫 只有清流解洗心 試論此山泉石
看 茂林修竹勝山陰

泉聲飽聽玉琮琤 世路羊腸我倦行 但得一觴仍一
詠 不妨高枕寄浮生

中秋夕設醮洞霄宮

老桂吹香古殿秋 瓊鐘敲處月當樓 星壇露下斗光
冷 天宇雲空灑氣浮 羽客朝元鏘玉佩 寶熏凝霧靄
金 蚪步虛政在千巖上 咫尺高靈想下游

清音亭憩暑

水落石澗鳴中含太古音安得微妙人寫入朱弦琴
六月天不雨赤日雲無陰道人憩其側脫巾臥青林
好風松上來聊復披吾襟朱炎拆厚地晴嵐冒高岑
願分一勺泉爲民作甘霖

清隱齋飲酒

暖風薄雨輕煙散晴日游絲飛絮亂竹窻午夢啼鳥
驚松軒晚飲幽人喚一壺碧酒如春濃萬斛羈愁若
冰泮興來索筆謾題詩碧桃花下綸巾岸

懷山中 水調歌頭

洞霄詩集卷六

三

窮達付天命生死見交情人今老矣 狗苟與蠅
營贏得一頭霜雪閒卻五湖風月鷗鳥負前盟顏厚
已如甲太息誤生平 想箕山懷潁水挹餘清只今
歸去滄浪深處濯吾纓笑撫山中泉石細說人間荆
棘有道苦難行好補青蘿屋且占白雲耕

送徐棲霞

集虛齋高士周 眞一

顧我慚稱十高士與君同是兩閒人君今獨向名山
去說與歸雲我問津

夏日懷九鎖

洞霄詩集卷六

四

洞霄詩集卷六

五

東風紅紫鬪春妍
獨著黃衣不敢先
萬仞巖頭金一
萼別無花木可秋天

雨中宿洞霄

靜傳道士董 嗣杲

青青九鎖山
步步聽潺湲
雨重精神倦
雲深意緒閒
禽聲依石樹
泉溜出巖關
落落仙蹤在
何能見大還

洞霄詩集卷第六

洞霄詩集卷六

六

雨中宿洞霄

靜傳道士董 嗣杲

洞霄詩集卷第七

宋本山高道

山居

山隱道士龔 大明

山居好山居好鶴唳猿啼餞昏曉碧窻柏子炷爐香
跌坐蒲團誦黃老

山居好山居好門對青山水環遶一榻煙霞夢寐清
我以不貪爲至寶

山居好山居好竹杖芒鞋恣幽討坐分苔石樹陰涼
閒數落花聽啼鳥

洞霄詩集卷七

山居好山居好斲月鋤雲種瑤草冷泠碧澗響寒泉
藪藪落花風自掃

贈道友雪崖朱先生

清高絕雪崖翁向上元機頓觀通金鼎有丹成九轉
凝然宴坐白雲中

贈道友怡雲潘先生

九轉工夫眞妙絕丹爐進火徐徐熱離龍坎虎自歸
降姪女嬰兒共歡悅天機密運造元微精采神光迴
然別枝頭結果有時紅驂鸞跨鶴神仙列

書懷 西江月

我本無爲野客飄飄浪跡人閒一時被命住名山未
免隨機應變 識破塵勞擾擾何如樂取清閒流霞
細酌詠詩篇且與白雲爲伴

南湖

梅霖初歇水平湖湖上青山展畫圖更著樓臺相掩
映風流端不減西湖

九日和杜子美韻 清隱道士章 至謙

九日登高眼界寬羽衣雲集盡清歡黃花滿泛淵明

洞霄詩集卷七

二

酒白髮仍簪子夏冠庭下流泉趁澗急座閒清氣逼
人寒不須更問明年健但向眉頭鬢角看

石室庵夜坐

雪崖道士朱 眞靜

青燈寒焰弄微明燈與幽人一樣清案上黃庭渾嬾
看時聞敗葉打窻聲

入山採藥遇異人故云

繫著芒鞋高繫裙野猿相狎許同羣綠蘿林裏採茶
去踏碎青山一片雲

又題座右窻間

經書不是語虛無荆棘叢中有坦塗不過至人眞口
訣誤人錯下死工夫

題石室庵前竹上

十年身與鬼爲鄰曾見巖花幾度春莫怪柴門終日
閉怕將塵事惱閒人

求洞霄宮碑謝別陸放翁

竹庵道士王 思明

還丹一粒如粟大點鐵成金金不壞服之冲舉騎蒼
龍直上九霄觀世界君藏此藥天下知鬼神正眼那

洞霄詩集卷七

三

能窺歸磨蒼石竇君施文章與此元無異

山居

人貪白水成潘鬢我愛青松示阮眸名利到頭渾是
夢何如平易賦三休

隨緣隨分是生涯莫使身心亂似麻幸有鉢盂三兩
箇不妨飽飯臥煙霞

雨後過松風庵

一溪春水湍流急幾樹梅花香韻長暖雨過來山巒
畫松風庵裏坐清涼

觀碁

興亡今古一枰碁虎戰龍爭豈異斯一死一生奚足
怪七擒七縱不須疑機籌雖與孫吳合肝膽終防楚
越危我輩當求超世著若逢活路也須移

聞蟬

變化南風裏超然濁得清一枝藏去穩兩翼蛻來輕
呼吸飽珠露吟哦做玉笙秋林如罷唱無處問虧成
仙人隱跡 芝坡道士吳 洞明

上古有神仙一去無消息我我碧巖前獨遺隱仙跡

洞霄詩集卷七

四

長生元牝門目擊而道存班班實可考老澗生雲根
游人摩蒼崖滿手聞異馨不垂身後芳何以知仙靈

和章清隱山居

物外無寒暑從教歲月深虛閒渾屬我寵辱不驚心
貧樂知書味詩豪借酒吟山居何所有萬籟奏清音

畱春

柴門深閉莫嫌猜爲怕春歸不敢開幾樹好花風掠
去一池新水雨添來冥搜秀色增詩料款挹晴光入
酒杯試問東君來復去何如休去且徘徊

晚春

瘦盡紅英綠已肥
杜鵑何事苦催歸
未甘淑景堂堂去
更繫壺觴上翠微

山中紀詠

菊巖道士龔文煥

勝地棲遲慣
青山耐久看
雲煙五洞古
泉石九峯寒
已化巖前虎
猶藏箬下丹
黃花生意別
秋老不凋殘

又

白日幽情愜閒門
到者稀嗜茶和月煮
採藥帶雲歸
春樹餘花落
天壇獨鶴飛
年華自來往
慵換薜蘿衣

洞霄詩集卷七

五

逍遙吟

月溪道士貝守一

飢餐七筋飯
渴飲羹罌酒
不炊白晝眠
時復遶庭走
不結冷淡交
亦無名利友
晚借竹風涼
臨池坐良久
適意

不效癡禪誤
此身安居隨
分樂天真
閒尋草藥防醫
病
廣施仙方爲濟人
學道未逢師
訣竅收心且養自
精神修持要
到無空地
掃卻從前碍眼塵

自適

跡晦心須晦
神清夢亦清
一窩如斗大
萬事等漚成

風月平章易山林去就輕生生終有累不若事無生
有何不可

園林桃李爭妍我有蘭花數朵盃盤筍蕨鮮肥恁地
有何不可

炎炎火織張空避暑林亭趺坐有時解帶披襟恁地
有何不可

桂花香滿脩廊皓月當空照我徐徐三弄瑤琴恁地
有何不可

竹塢雪封雲鎖地爐溫酒添火醉來擁被高眠恁地
有何不可

洞霄詩集卷七

六

冬晴晚步

浮雲初斂夕陽斜路入江村四望賒木厭霜濃頻脫
葉梅嫌春小未開花翩翩過雁摩晴漢隱隱孤帆趁
落霞欲壯吟懷沽斗酒野田多處少人家

絕句

高車駟馬謾相誇竹榻蒲團屬自家困睡飢餐何所
有一溪明月照梅花

洞霄詩集卷第七

